

լացրին, սակայն հեռու էին բաւարար լինելուց եւ սոսկ առժամանակ դադարեցրին Իլխանութեան տնտեսական քայքայման ու անկման գործընթացը, որը վերսկսուեց 1304 թ. Ղազան խանի մահուանից յետոյ: Իլխանութեան քրիստոնեայ ժողովուրդները, այդ թւում՝ Հայերի, տնտեսական վիճակը ոչ միայն չբարելաւուեց, այլեւ Ղազան խանը պետական գանձարանը համալ-

րելու նպատակով անգամ ոչ մահմեդականներին գանձուող ջիզեա կոչուող հարկը վերականգնելու անյաջող փորձ կատարեց: Ինչ վերաբերում է Հայկական իշխանութիւններին, ապա դրանց մասնատումը եւ տնտեսական ու ռազմաքաղաքական կարողութիւնների նուազումն աւելի ու աւելի էր զգացւում:

ՀԵԹԱՆՈՍԱԿԱՆ ՏԱԾԱՐԸ ԼՈՒՍԱԻՈՐԶԻ ԹԻԿՈՒՆՔՈՒՄ

Հայկ Յակոբեան

Շնորհիւ հին եւ միջնադարեան Հայաստանի խոր ժառանգականութեան Հայ վաղմիջնադարեան մշակոյթը կարեւոր աղբիւրագիտական արժէք ունի հին Հայաստանի պատմութեան տարբեր հարցերը լուսաբանելու համար: Միաժամանակ, Հայաստանի մշակոյթն ամուր յենուած է եղել Հին Արեւելքի գաղափարախօսական հիմքի վրայ, միջնադարեան Հայաստանում այն կիրառուել է որպէս փորձուած ուղեցոյց՝ Մերձաւոր Արեւելքում ի յայտ եկած նոր իրողութիւնները համարժէք ընկալելու եւ զարգացման նոր միտումներում ճիշտ կողմնորոշուելու համար: Ստորեւ քննարկուելու է անտիկ դարաշրջանի Հայաստանի տաճարների մի ուրոյն տիպ¹, որի արձագանքները, ինչպէս կը տեսնենք, պահպանուել են միջնադարեան պատկերագրութեան մէջ: Դիտարկման ներկայացուող միջնադարեան մանրանկարը, որը գիտական շրջանառութեան մէջ է գրուել նշանաւոր Հայագէտ Հ. Ղեւոնդ Ալիշանի կողմից², այժմ պահուում է Վատիկանում եւ զետեղուած է եղել բիւզանդական Հայագիտական Բարսեղ Բ.-ին պատկանող Մենուցի գիտարկում: Ժ. դարի այս մանրանկարի վրայ պատկերուած է Գրիգոր Լուսաւորիչը: Նրա գլուխը լուսապսակի մէջ է, նա եպիսկոպոսական հանդերձանքով է, կանգնած ինչ-որ

մոնումենտալ շէնքի առջեւ: Ըստ Ղ. Ալիշանի՝ մանրանկարի վրայ պատկերուած է Լուսաւորիչը Մեծ Հայքի թագաւոր Տրդատ Գ.-ի արքունիքում, որտեղ կարողում է իր քարոզներից մէկը: Եզակի պատմական արժէք ունի շէնքը, որի առջեւ կանգնած է Լուսաւորիչը (աղ. I, նկ. 1): Արեւելագէտ Կ. Տրեւերի կարծիքով՝ յետին պլանում, հաւանաբար, պատկերուած է հին Հայկական պանթէոնի գերագոյն աստուածներից մէկի՝ Միհրի տաճարը, եւ երեւի այս Հայ հեթանոսական աստուածութեան դէմ էլ տուեալ դրուագում ուղղուած էր Լուսաւորչի քարոզը: Յայտնի է, որ վաղ միջնադարում ծաւալուող գաղափարական պայքարում Միհրի պաշտամունքի դէմ ուղղուած գործերով էին հանդէս գալիս Հայ փիլիսոփայ Եզնիկ Կողբացին եւ պատմիչ Եղիշէն³:

Լուսաւորչի եւ մեհեանի պատկերը շրջանառութեան մէջ դրած վերոյիշեալ գիտնականները պարզ պատճառներով «Միհրի տաճարը» չեն ենթարկել աւելի մանրամասն վերլուծութեան՝ տրամադրութեան տակ չունենալով որեւէ տեղական հնագիտական զուգահեռ: Դեռեւս մեզանից երեք տասնամեակ առաջ յայտնի կամ աւելի ճիշտ՝ հասու չէր անտիկ Հայաստանի որեւէ պաշտամունքային շէնք, բացառութեամբ Գառնիի տաճարի: Նշանաւոր գիտնական Գ. Ա. Տիրացեանը գրում էր հետեւեալը. «Թէեւ Արմաւիրի պեղումները շարունակուում են արդէն 20 տարի, այս-

1 Նախկինում արդէն Աերկայացրել ենք ինչ Հայաստանի սինագոգայ դահլիճներին Աուիրում մի աշխատանք. տե՛ս Հայկ Յակոբեան, Հին Հայաստանի սինագոգայ դահլիճները եւ Հողմիկի տաճարական համալիրը, - Հին Հայաստանի պատմութեան եւ մշակոյթի հարցեր, Գեորգ Տիրացեանի յիշատակին Աուիրում գիտաժողովի զեկուցումներ, Երեւան, 2001, էջ 49-56:
 2 Հ. Ղ. Ալիշան, Այրարատ, Վեճետիկ, 1890, Գլ. 440-րդ էջին կից:
 3 Եզնիկ Կողբացի, Եղծ աղանդոց, Թիֆլիս, 1912. Եղիշէի վասն վարդաւանջ եւ Հայոց պատերազմի, աշխատութեամբ Ե. Տեր-Մինասեանի, Երեւան, 1957. Կ. В. Тревер, Очерки по истории культуры древней Армении (II в. До н.э. - I в. н.э.), М.-Л., 1953, с. 65:

տեղ չի գտնուել հելլենիստական տիպի ոչ մի մոնումենտալ շէնք, բայց փոխարէնը անընդհատ հանդիպում են յետուրարտական դարաշրջանում ուրարտական շէնքերի եւ պաշտպանական կառոյցների օգտագործման հետքեր, որոշ դէպքերում՝ ոչ մեծ վերակառուցումներով: Արտաշատի միջնաբերդն իր տեսքով աւելի համասեռ է, բայց այստեղ էլ քիչ են վառ արտայայտուած հելլենիստական կառոյցներ: ... առաւել հաւանական են ամրոցների կառուցման ուրարտական սկզբունքները: ... Առաջիկայ հելլենիստական ճարտարապետութիւն յիշեցնող ոչինչ չկայ Երուանդաշատում: [Նշուած դարաշրջանում] հելլենիզմի էլեմենտներ իհարկէ կան (թատրոնները, Արշամաշատի միջնաբերդի պատերը, ծիծեռնակապոչ կապերը): Միւս կողմից, պարտադիր չէր, որ դրաւոր ազբերներէից յայտնի Հայաստանի քաղաքներում գոյութիւն ունեցած տաճարները լինէին հելլենիստական տիպի»⁴: Երկար ժամանակ, համաձայն նոյն ուսումնասիրողի, Գառնիի տաճարն անտիկ տիպի տաճարների միակ նմուշն էր համարուում Հայաստանում: Հռիփսիմէի եկեղեցու հիմքերում Գառնիի տաճարին յար եւ նման զարդերով քարի խորանարդների գիւտը ենթադրուում է Հռիփսիմէի եկեղեցու տեղում կամ կողքին միւս յունա-հռոմէական յորինուածքի տաճարի գոյութիւնը: Վերջապէս, այս տիպի երրորդ շէնքը երեւի կար Բագարանում: Միանաւ եկեղեցու երկայնական պատերի որմնասիւններն այստեղ պահուած են կորնթոսեան խոյակներով: Ն. Մ. Տոկարսկին ենթադրել է, որ այս խոյակները պատկանել են տեղում մինչեւ քրիստոնէութեան հաստատումը եղած հեթանոսական մի տաճարի, որը յետագայում վեր է ածուել եկեղեցու կամ էլ խո-

4 Գ. Ա. Կիրայան, *Культура древней Армении*, Ереван, 1988, с. 100.

յակները այստեղ են բերուել մի ուրիշ աւերուած շէնքից⁵:

Գ. Ա. Տիրացեանը շարունակում է. «Գիտնականները գնալով աւելի են համոզուում, որ Արեւի, Հունի եւ արքայական նախնիների տաճարը Արմաւիրում առաջացել է ուրարտական տաճարի անշան վերակառուցումների արդիւնքում, որը կանգնած էր Արմաւիրի բլրի գագաթին: Անահիտի տաճարը Արտաշատում կարող էր արդէն կառուցուելու պահին ունենալ տեղական յորինուածք: Ագաթանգեղոսի տեղեկութիւնները տաճարի փայտի մասերը այրուելու վերաբերեալ, կարծես թէ մատնանշում են նրա հնարաւոր նմանութիւնը նոյն Անահիտի տաճարի հետ «Թագուհու դաշտում»՝ Դեղոպլիս Մինդորիում (Արեւելեան Վրաստան), որի փայտէ ծածկը կիսայայտուած վիճակում գտնուել է յատակին: Տեղական ձեւեր կարող էր ունենալ նաեւ սրբարանը, որը կանգնած էր ապագայ Տիրացեանի տեղում»: Գ. Տիրացեանը սրանով կատարում է հարցադրում, թէ իրականում ի՞նչ էր իրենից ներկայացնում հին հայկական տաճարը, իսկ աւելի լայն առումով՝ մշակոյթը՝ «սինթեզ, թէ՛ յունական մշակոյթի ազդեցութիւն հայկականի վրայ»⁶: Ներ-

5 Н. М. Токарский, *Архитектура древней Армении*, Ереван, 1964, с. 36-37.

6 Г. А. Тирацян, *Культура древней Армении*, Ереван, 1988, с. 101. Խնդրի վերաբերեալ ուշագրաւ է նաեւ Նեմրոս դադի հիերոթեզէյոնի արեւելեան հարթակը՝ որի ճակատային մասում բլրի ստորոտին, կանգնեցուած էին Անտիոքոս Ա. Կոմմագենցի արքայի եւ Կոմմագենցի պանթեոնի չորս գերագոյն աստուածների վիթխարի արձանները, իսկ նրանց շարքի նկատմամբ ուղիղ անկեւան տակ կառուցուած են երկու հանդիպակաց պատեր՝ կազմուած լինելով իրար միացուած բարձր ռելիեֆներից, որոնք ներկայացնում էին Անտիոքոսի հայրական եւ մայրական գծով նախնիների պատկերները: Հինգ արձանների եւ ռելիեֆ պատերի միջեւ գոյացած հրապարակում գտնուող աստիճանաձեւ բուրգ յիշեցնող հիմքի վրայ կանգնեցուած էր կրակի սրբարանը:

կայումս խնդիրը հնարաւոր է դառնում շահեկանօրէն համադրել նոր հնագիտական նիւթի հետ:

Առաջին հայեացքից ժ. դ. բարձունքից դիտող մանրանկարչին Ք. յ. Դ. դարի Հայաստանի պատմական իրողութիւնները, մասնաւորապէս՝ քրիստոնէութեան ընդունումը որպէս Մեծ Հայքի պետական կրօն, առաւել եւս՝ արդէն վաղուց անէացած հեթանոսական շէնքերը, պէտք է խիստ մշուշոտ ներկայանային, եւ մանրանկարի մէջ հեռաւոր ժամանակների մանրամասները գերազանցապէս պէտք է վերականգնուէին նկարչի երեւակայութեան շնորհիւ: Այս դիրքորոշումն ամրապնդելու կամ հերքելու համար հարկ կը լինի դիմել Մերձաւոր Արեւելքի Թ.-ժ. դ. դ. մշակոյթին եւ որոնել այն ճարտարապետական յորինուածքները, որոնք կարող էին իրենց ժամանակակից մանրանկարչի համար հեթանոսական շէնքի օրինակ լինել: Պարզուած է, որ յիշեալ մանրանկարում պատկերուած կառոյցի տիպի մոնումենտալ պաշտամունքային կամ պալատական շէնքերը բնորոշ չէին Փոքր Ասիայի, Սիրիայի, Միջագետքի, Իրանի կամ Հայաստանի ճարտարապետութեանը Բարսեղ Բ.-ի դահակալութեան շրջանում: Խօսքը երկու կողմից առաջացած՝ դէմքով մեզ նայող գլխաւոր կառոյցի նկատմամբ ուղիղ անկիւն կազմող կցակառոյցներ ունեցող ճարտարապետական յորինուածքի, ինչպէս եւ նրան բնորոշ դեկորի մասին է:

Քրիստոնէայ Արեւելքի հարուստ ժառանգութեան մէջ որոնուող շինութիւններ եթէ անգամ հանդիպում են, ապա նրանց կողային կառոյցները երկյարկանի կամ եռյարկ աշտարակներ են, որոնք եզերուած են եռանաւ բազիլիկ շէնքերի արեւմտեան ճակատը եւ շատ հեռաւոր նմանութիւն ունեն մենուզիայի մանրանկարում պատկերուած «հայկական» շէնքին: Այսպիսի բացառիկ շէնքերից են Սիրիայում Ռուբե-

հայի,⁷ Քալբ-Լոզի⁸ եւ Թուրմանինի⁹ մոնումենտալ բազիլիկաները: Բոլոր օրինակներում էլ ներկայացուած են նարտեքսից վեր բարձրացող աստիճանաւոր աշտարակներ: Այս խմբին է յարում նաեւ Արեւելեան Հայաստանում գտնուող Երերոյքի վաղքրիստոնէական տաճարը՝ չորս անկիւնային աշտարակներով¹⁰: Այսպիսով՝ եթէ անգամ մանրանկարում պատկերուածի նման շէնքեր եղել են Ք. յ. է.-ժ. դ. դ., ապա դրանք որոնուող նմուշի հետ ունեն հեռաւոր նմանութիւն:

Հարցի մէջ աւելի խորանալիս կարելի է ենթադրել, որ մանրանկարիչը պատճէնահանել է իր ձեռքն անցած ուշհռոմէական, վաղբիւզանդական ժամանակի որեւէ ձեռագիր, որը ընդունակ էր համարժէք վերարտադրելու տուեալ դարաշրջանում դեռ չկործանուած կամ խոնարհած հեթանոսական շէնքերը: Իսկ նման պատճէնահանումների, ինչպէս յայտնի է, միջնադարում ենթարկուել են բազմաթիւ ձեռագրեր եւ պատկերագրական նիւթեր, քարտէզներ ու ճանապարհացոյցներ:

Իր հերթին, հայ վաղմիջնադարեան պատմագրութեան մէջ Սեբէոսը եւ Խորենացին (Ա.թ) յիշատակում են Մար Աբաս

7 H. C. Butler, *Ancient Architecture in Syria*, Publications of the Princeton University Archaeological Expedition to Syria in 1904-1905 and 1909. Division II, Section A. Southern Syria, Leyden, 1909a, p. 142, Pl. XVI.

8 M. de Vogüé, *Syrie centrale. Architecture civile et religieuse du I-er au VII-e siècle*, Paris, 1865-1877, vol. 1, 2, pl. 122-129; H. C. Butler, *Architecture and other Arts*, Publication of American Archaeological Expedition to Syria in 1899-1910, New York, 1903, pt. 2, p. 221; G. Tchalenko, *La Massif du Bélus à l'époque romaine*, Paris, 1955, vol. 2, pl. XI, 2, CVIII; A. Л. Яковсон, *Закономерности в развитии раннесредневековой Архитектуры*, Л., 1983, с. 188.

9 H. C. Butler, *Churches in Syria IV to VII Centuries*, Princeton, 1929, p. 197.

10 Н. Я. Март, *Ереруйская базилика. Армянский храм V-VI вв. В окрестностях Ани*, Ереван, 1968.

Կատինա անունով մի ասորի հեղինակի, որն ապրել է հարաւային Հայաստանում: Նա օգտուել է հին Հայաստանի մասին գրուած յունարէն ձեռագրից եւ թերեւս՝ հայոց արքունի դիւաններէ: Այստեղ կան պարթեւ Արշակունիների պատմութեան որոշ դրուագներ եւ հայ Արշակունիների սկզբնաշրջանին վերաբերող տեղեկութիւններ¹¹:

Գրիգոր Լուսաւորիչը արդէն Ե. դարից սրբացուած էր Մերձաւոր Արեւելքում, մասնաւորապէս՝ Փոքր Ասիայում: Սրա մասին է վկայում, օրինակ, հին Սեբաստից մի եկեղեցու պեղումների ժամանակ գտնուած սրբապատկերը (իկոնոստաս)՝ ընդելուզուած գունաւոր ապակիով եւ արձանագրուած ի պատիւ Գրիգոր Լուսաւորչի. «ἄγιος Γρηγόριος τῆς Μεγάλης Ἀρμενίας»: Հնագիտական այս յայտնագործութիւնը թուագրուած է Դ.-Ե. դարերով¹²:

Այս հարթութեան վրայ նիւթը քննարկելիս նախ եւ առաջ անհրաժեշտ է նկարագրել եւ վերլուծել մանրանկարում պատկերուած շինութիւնը: Ընդ որում՝ այստեղ կարեւոր են ինչպէս շէնքի ընդհանուր յօրինուածքը, այնպէս էլ՝ մանրամասները: Հարկ է նշել, որ յիշեալ Մենուղիայում առկայ են նաեւ այլ մանրանկարներ. չնա-

11 Մովսիսի Խորենացու Պատմութիւն Հայոց, Տփղիս, 1913, Ա.թ. Սեբեոսի եպիսկոպոսի Պատմութիւն, Երեւան, 1939, Ա., էջ 2. տե՛ս նաեւ Գ. Սարգսեան, Մար Աբաս Կատինա, Հայկական սովետական հանրագիտարան, հտ. 7, Երեւան, 1981, էջ 295:

12 N. Firatli. *Selecikler (Sebaste)*, 1968,- Recent Archaeological Research in Turkey. Anatolian Studies, 1969, vol. XIX, p. 24; Айк Акопян, *Экономические и культурные взаимоотношения Армении с Римом (I в. до н.э. - IV в. н.э.)*, автореферат диссертации на соискание ученой степени кандидата исторических наук, М., 1985, с. 18-19; Հայկ Յակոբեան, *Գրիգոր Լուսաւորիչը Փոքր Ասիայում*, «Քրիստոնէայ Հայաստանը քաղաքակրթութիւնների խաչմերուկ» միջազգային գիտաժողովի զեկուցումների դրոյթներ, Երեւան, 2001, էջ 45-47:

յած՝ նրանց մեծամասնութեան հեղինակներն անյայտ են, դրանք ունեն որոշակի ընդհանրութիւններ: Հետեւաբար՝ մի ժողովածոյի մէջ հաւաքուած մանրանկարների հիմնական բովանդակութիւնն ու կատարման սկզբունքները հասկանալու համար անհրաժեշտ է գտնէ համառօտ անդրադառնալ սրանց: Ամենացայտուն ընդհանրութիւնը Մենուղիայի մանրանկարներում նրանց յօրինուածքն է: Որպէս կանոն, կենտրոնում պատկերուած է սուրբը կամ հրեշտակը, որոշ օրինակներում էլ՝ Քրիստոսը, իսկ կենտրոնական կերպարի նկատմամբ հաւասարաչափ հեռացած կողմերը խիստ հաւասարակշռուած են բնապատկերների, մարդկանց եւ զանազան կառոյցների միջոցով: Այս ընդհանուր ատարձի մէջ նկարներն իրար համեմատելիս տեսանելի են զգալի տարբերութիւններ, նկատելի է յօրինուածքի զարգացում բնութեան պատկերներից մինչեւ մոնումենտալ կառոյցներ: Այսպէս, մեր կողմից առանձնացրած առաջին խմբում ընդգրկուած մի մանրանկարում Միքայէլ հրեշտակապետն է, նրանից աջ եւ ձախ երկու սրածայր լեռներ են, որոնցից ներքեւ են գահավիժում դեւերը (աղ. II, նկ. 1): Երկրորդ մանրանկարում (Կոստանդնուպոլիս, 985 թ.) օրանտի դիրքով կանգնած Մարտիրոս պապն է (աղ. II, նկ. 2), կրկին երկու կողմից լեռներ, սակայն ձախից նկարուած լեռը խիստ փոքրացուած է, գրեթէ անհասկանալի է, եւ նրա մօտ երկաթի դռներով ու կլոր յօրինուածքով մի բարձր բերդ է: Երկրորդ խմբում կրկին աջից եւ ձախից երկու լեռներ են, իսկ կենտրոնում գլխաւոր կերպարն է. մի դէպքում՝ անկիւնային աշտարակներով ամրոցից գլխիվայր կախուած նահատակ Փրլիպոս առաքեալն է, երկու զինուոր դէպի աջ եւ ձախ են ձգում զոյգ աշտարակներից ամրացրած շղթան, որից կախուած է առաքեալը (աղ. II, նկ. 3), միւսում սեան ծայրին բազմած Դանիէլ Սիւնակեացն է: Այս օրինակում զոյգ լեռների ֆոնի առաջ ար-

դէն երեւում են յօրինուածքային կենտրոնի նկատմամբ հաւասարակշռուած կառոյցներ, ձախից աշտարակներով պատնէշ է, իսկ աջից՝ երկթեք տանիքով տնակներ (աղ. II, նկ. 4): Երրորդ խմբում լեռների փոխարէն ներկայացուած են մարդիկ ու կառոյցներ: Սիմէոն Սիւնակեացից աջ ու ձախ երեւում է մի բերդ ու պարսպապատ քաղաք, որի առաջ կանգնած են նրան դիտող մարդիկ (աղ. II, նկ. 5): Իսկ «Ալեքսանդրիայի Եւտրոպիայում» սրբերով զինուած երկու զինուորների միջեւ կանգնած է կենտրոնական կերպարը, սրանց ետեւում սիւնակներով զարդարուած մետաղական ցանկապատ է, աջից ու ձախից քառակուսի աշտարակներ են, որոնք ունեն մէկական լուսամուտ (աղ. II, նկ. 6): Չորրորդ խմբում ընդգրկել ենք երեք մանրանկար: Առաջին օրինակում՝ 986 թ. մանրանկարի վրայ, կենտրոնում Քրիստոս Պանտոկրատորն է, նրանից աջ եւ ձախ՝ երկու խմբով կանգնած 15 անձինք: Քրիստոսի ետեւում կամարաւոր գլխաւոր դարպասն է, իսկ նրանից աջ ու ձախ՝ մէկական փոքր մուտք (աղ. III, նկ. 1): Միւս մանրանկարում սիւնաշարի կենտրոնում կանգնած է Թէոդորա Բ.-ն, նրա ետեւում լայն կամարով բացուածք է, իսկ նկարի երկու կողմերում՝ վարագոյրներով ծածկուած տիմպաններ (աղ. III, նկ. 2): Յաջորդ օրինակը քիչ աւելի բարդ է: Գրիգոր Նէոկեսարացին կանգնած է կամարաւոր շէնքի առջեւ, որի երկու ծայրերն ունեն աշտարակներ (աղ. III, նկ. 3): Նոյն յօրինուածքն ունի սիւնաշար սրահով միւս, անորոշ մանրանկարը (աղ. III, նկ. 4): Հինգերորդ խմբում արդէն տեսանելի է որոշակի կառուցուածք ունեցող շինութիւն: Մի մանրանկարի վրայ երեւում է լուսամուտներով երկարուկ շէնքը, լուսամուտների միջեւ կանգնեցուած են որմնամոյթեր. հարթ տանիքով այս շէնքն ունի՝ կենտրոնում մի քանի փոքր, իսկ եզրերին՝ մէկական մեծ քիւրերով զարդարուած, քառակուսի աշտարակներ: Այս բոլորի առաջ կենտ-

րոնում կանգնած է Բարսեղ Կեսարացին (աղ. III, նկ. 5): Միւս մանրանկարում Թէոֆանօ Մարտիրիկացին է՝ կայսր Լեոն Զ. Իմաստունի կինը: Կենտրոնում կանգնած օրանտի դիրքով կայսրուհու ետեւում աշտարակներով եզրուած մի պարիսպ է, իսկ աշտարակների գագաթին՝ պատշգամբներ (աղ. III, նկ. 6): Այս խմբում ընդգրկուած մանրանկարներում՝ կենտրոնում կանգնած կերպարի ետեւում եղած կառոյցները կարելի է նոյնացնել տիպիկ հռոմէական վիլլայի հետ: Այսպիսիք տարածուած էին Հռոմի պրովինցիաներում եւ, օրինակ, Հիւսիսային Աֆրիկայում, արդիւնաւէտ էին թշնամիների յարձակումներից պաշտպանուելու համար: Առաջին յարկին բնորոշ էին խուլ պատեր եւ կեղծ լուսամուտներ, իսկ ամուր պատով ուրուագծուած կալուածքի անկիւններում վեր խոյացող աշտարակներն ունէին շրջապատը հետախուզելու համար արուած ու ճաղերով ամրացուած լուսամուտներ: Նշուած աշտարակների միջեւ՝ երկրորդ յարկի մակարդակի վրայ, բոլոր կողմերից ամբողջ երկայնքով ձգուած էին սենեակները, որոնց առաջ դրսի կողմից տասնեակ կից կամարներով զարդարուած պատշգամբն էր: Աշտարակների միջից բացուած էր մէկական դուռ դէպի նման պատշգամբը: Աշտարակների սուր բրգաձեւ վերջոյթներն ու պատշգամբով սենեակների կտուրները ծածկուած էին կարմրաւուն կղմինդրներով:

Վեցերորդ խմբի մանրանկարներից մէկն էլ ունի նման յօրինուածք: Սակայն Թէոֆանոյի նկարի համեմատ այն աւելի է յագեցած մանրամասներով: Կենտրոնում Գրիգոր Դեկապոլսեցին է: Նրա ետեւում մի շէնք է, որի դիմային մասում ահանթով զարդարուած բարաւորով սիւնաշար է: Այն կենտրոնում ընդհատուած է, եւ նրանից ներս երեւում է քիչ նահանջած խուլ մի պատ, իսկ շէնքի թեւերին առաջ եկած խորաններ են, որոնք ունեն միանման եւ նոյն չափի կամարաւոր լուսամուտներ ու

դռներ: Շէնքի վրայ՝ Գրիգորի ետեւում, կանգնեցուած է մի բազմակիւն գմբէթ: Շինութեան տանիքը եզերուած է լայն երկրաչափական շղթայով զարդարուած քիւով (աղ. I, նկ. 2):

Այս նոյն խմբի մէջ կարելի է ընդգրկել նաեւ Գրիգոր Լուսաւորչի պատկերող մանրանկարը: Թէեւ սրա ստորին հատուածը մասամբ նման է Գրիգոր Դեկապոլսեցու մանրանկարում երեւացող շէնքին, սակայն Լուսաւորչի օրինակում տեսանելի է մի ամփոփ յօրինուածք ունեցող, բարդ մանրամասներով յագեցած շինութիւն, որով այն զգալիօրէն տարբերուած է վերը բերուած բոլոր օրինակներից: Այսպիսով, ընդհանուր յօրինուածքային մտայղացման պայմաններում, երբ կենտրոնում գտնուած է ամբողջ հասակով պատկերուած անձը, իսկ նրա երկու կողմերում խնամքով հաւասարակշռուած մարդիկ են, կառոյցներ կամ լեռներ, մանրանկարների վրայ տեսանելի են մի կողմից վերացարկուած, իսկ միւսից՝ բաւական երկրային ու ոչ մտացածին պատկերներ: Նկարչի երեւակայութեամբ կարելի էր տեղաշարժել մանրամասները, դրանք քիչ ձեւափոխել, սակայն այս ամէնը յօրինել դատարկ տեղում հնարաւոր չէր լինի: Մեր կարծիքով՝ Մենուիգիայում հաւաքուած տարբեր ծագում եւ սկզբնաղբիւր ունեցող սիւժէները ենթարկուած են լրացուցիչ մշակման կամ դրուած են որոշակի գեղարուեստական կաղապարի մէջ, որի հետեւանքով էլ բոլորին յատուկ է դարձել ընդհանուր կառուցուածքը, բայց ելակետային տարբեր մանրամասների առկայութեան պայմաններում: Գրիգոր Լուսաւորչի կերպարի ետեւում ներկայացուած նման կուռ յօրինուածքով շէնքն էլ հիմք է տալիս շարունակել նրա իրական նախատիպի որոնումները վաղ միջնադարի կամ էլ Լուսաւորչին ժամանակով շատ աւելի մօտ գտնուող ուշ անտիկ աշխարհի մշակութային դաշտում:

Շէնքը, որի առջեւ կանգնած է Գրիգոր Լուսաւորչի, երկայրկանի է: Նրա երկու կողմերից ձգուող կառոյցները կամ թեւերը ստեղծում են երեք կողմերից սահմանափակուած մի ներքին (կամ գուցէ՝ թերի ներկայացրած, բայց ճակատից բաց) մի բակ:

Դեկորի եւ ճարտարապետական մանրամասների նկարագրութիւնը: Գրիգոր Լուսաւորչի ետեւում պատկերուած տաճարն ունի շատ հետաքրքիր ճարտարապետական մանրամասներ, որոնք զգալի չափով օգնում են շինութիւնը նոյնացնելու եւ թուագրելու հարցում: Տաճարական բակի երկու կողմերում տեսանելի զոյգ սենեակներ կամ աշտարակներ յիշեցնող թեւերը զարդարուած են անկիւնային որմնամոյթերով, որոնք ունեն համակցուած սիւների տեսք: Սիւները պսակուած են կորնթոսեան տիպի խոյակներով եւ նոյնատիպ, կարծես հակառակ շրջուած խոյակ յիշեցնող խորիսխներով: Սեան համանման խոյակները եւ խարիսխները յիշեցնում են համապատասխանաբար վեր ու վար ուղղուած ահանթի տերեւներ:

Կողային զոյգ կառոյցները ճակատից զարդարուած են մեկական կամարակերպ վերնամասերով պսակուած խորշերով: Դէպի ներս՝ բակը նայող պատերի մակերեւոյթին եւս տեսանելի են նման խոռոչներ կամ լուսամուտներ:

Շէնքի գլխաւոր մուտքը հաւանաբար կենտրոնում էր եւ նկարի մէջ պէտք է գտնուէր Լուսաւորչից յետ: Առաջին յարկի վերնամասով համատարած ձգուած է երկրաչափական զարդանախշերով ձեւաւորուած գեղեցիկ քիւր, որից վերեւ նոյն պարագծով կառուցուած է շէնքի երկրորդ յարկը: Աջ եւ ձախ թեւերի ճակատային կամարներից վերեւ ցայտուն երեւում են մի ծնկի վրայ յենուած, ձեւքերը գլխի մակարդակին վեր պարզած մէկական մերկ մարդանման էակներ, պայմանական՝ ատլանտ-

ներ: Նկատենք նրանց վերջաւորութիւնների իւրայատուկ դիրքը, որ վերարտադրում է կեռխաչ-սուստիկան՝ արեւի ամենատարածուած խորհրդանշաններից մէկը:

Կենտրոնական մասնաշէնքը ուղիղ անկեան տակ կառուցած կողայիններին միացած է ստորին յարկում եղած որմնամոյթերին յար եւ նման մանրամասներով: Թեւեր կազմող կառոյցների երկրորդ յարկում՝ բակի կողմից, երեւում է ճաղերով ամրացուած մէկական կամարածեւ լուսամուտ, իսկ գլխաւոր մասնաշէնքի երկրորդ յարկում պէտք է որ լինի երեք լուսամուտ, որոնք, ինչպէս թեւերում, պաշտպանիչ ձողերով բաժանուած են իննական քառակուսիների: Շէնքի ողջ պարագծով վերեւով ձգուած է լայն բուսական պատկերներով քանդակուած միւս քիւ-զարդագօտին:

Հաւանաբար, սխեմատիկ պատկերից դուրս են մնացել որոշ մանրամասներ, որոնց սիմետրիկ դիրքորոշումը կը լինէր լիովին օրինաչափ: Այսպէս, պիլոնների ճակատներին որմնամոյթեր կարող էին լինել միաժամանակ երկու կողմերից, նոյնը պէտք է ենթադրել նաեւ ատլանտներից աջ եւ ձախ: Պիլոնների ճակատային մասում՝ ստորին յարկում եղած խոռոչները, ինչպէս երեւում է, խուլ (կեղծ) լուսամուտներ են՝ արուած հինարեւելեան ճարտարապետութեան ոգով, կենդանացնելու համար շէնքի հարթ մակերեսը. հին Հայաստանում սրա գուգահեռն ունենք, մասնաւորապէս, Արմաւիրի (աղ. V, նկ. 1) եւ Արտաշատի պեղումներից (աղ. IV, նկ. 2):

Նկարում պատկերուած գլխաւոր մասնաշէնքը, կարծես, առաջին յարկից լուսաւորուած է երկու կամ աւելի լուսամուտներով եւ Լուսաւորչից յետ ենթադրուող մուտքով, սակայն իրականում այստեղ եւս յատուկ ծիսական նպատակներով կարող էին կառուցուած լինել խուլ լուսամուտ-խորշեր:

Շէնքի թեւերը յիշեցնում են աշտարակներ, որոնց ներսում, էրեբունու խաղիին նուիրուած տաճարի կամ վերը յիշուած սիրիական եկեղեցիների օրինակով, ներքին պարագծով կարող էին վեր ձգուել գէպի հարթ տանիք տանող աստիճաններ, թէեւ սա ընդամէնը ենթադրութիւն է: Նրանք կարող էին տրոհուել նաեւ երկու-յարկանի սենեակների, ինչպէս Երեբոյքի տաճարի աշտարակների ներսը եւ Հայաստանի բազմաթիւ եկեղեցիներից յայտնի աւանդատները: Ստորին՝ յարկաբաժան քիւն արուած է բարդ խաչապատկերով, որ մի կողմից նման է մերձաւորարեւելեան միջավայրում յայտնի մի ձեւաւոր պատկերի, օրինակ՝ Միդասի դամբարանի զարդամոտիւին (աղ. IV, նկ. 3) կամ croux grammata-ին, իսկ միւս կողմից՝ յիշեցնում է աւանդական հայկական գորգի խաչազարդերը: Չի ընդգծուած, թէ ինչ են պահուած իրենց գլխավերեւում ճակատին պատկերուած ատլանտներ յիշեցնող էակները. հաւանաբար՝ քիւի մաս կազմող մէկական եռատերեւ խոշոր ակաթներ, որոնք պայմանականօրէն կարելի է դիտել որպէս սեկտորների բաժանուած կիսաշրջանի որեւէ դրսեւորում (սկաւառակի մասին տե՛ս ստորեւ): Սակայն հնարաւոր է, որ մանրանկարի հեղինակի իմացութիւնը ատլանտների ձեւքերում պահուող առարկայի մասին սպառուած էր կամ գուցէ, նպատակայարմարութիւնից ելնելով, անտեսուած էր՝ փոխարինուելով աւելի չէզոք զարդապատկերով: Այստեղ եւ այլուր առկայ են «3» եւ «9» թուեր, որ գուցէ իրօք ունեցել են սիմուլտիկ նշանակութիւն: Ինքնին ուշագրաւ է յիշել էակների պատկերաբանական էւոլյուցիան հին Հայաստանում¹³: Ատլանտների պատկերելը Գառնիի Ք. յ. Ա. դ. տաճարի ճակատային կողմում պէտք

13 Հայկ Յակոբեան, «Թուխ մանուկներ»-ի պատկերագրութիւնը հին Հայաստանում, Թուխ մանուկ, Երեւան, 2001, էջ 52-67:

է որ կապուած լինի տաճարի նշանակութեան հետ, այսինքն՝ այն աստուածութեան, որին էլ տաճարը նուիրուած էր: Անտիկ տիպի Ատլանտի պատկերումը, որն ըստ աւանդութեան պահել էր երկնակամարը, հաւաստուած է Միթրայի տաճարներում, ինչպէս այն ցոյց է տրուած Կիւմոնի աշխատութեան մէջ՝ նուիրուած Միթրայի պաշտամունքին¹⁴: Գիտնականը նաեւ ցոյց է տուել, որ միթրայական դիցաբանութեան մէջ, հակառակ Աւեստայի դիցաբանութեան, խօսուած է ինչ-որ տիտանի մասին, որն իր ուսին է կրում երկնակամարը¹⁵:

Ատլանտները մէջ հռոմէական դարաշրջանում տեսանելի էին հայկական Միհրի եւ հռոմէական արեւմուտքի միթրայական տաճարների ունեւորներից յայտնի զինուորականների հովանաւոր եւ արեգակնային աստուած Միթրայի ուղեկիցները (աղ. IV, նկ. 4, 5, 6): Նրանք պարզորոշ տեսանելի են նաեւ Ք. յ. Ա. դարի 70-ական թթ. կառուցուած Գառնիի հեթանոսական տաճարի պիլոնների հիմքերում (աղ. V, նկ. 1):

Վերլուծելով Արեւմուտքում յայտնի միթրայական պատկերազրույթները՝ գիտնականները եկել են հետեւեալ եզրակացութեան. Միթրայի կողքին ատլանտների առկայութիւնը զանազան քանդակների վրայ օրինազափ է: Այն ժամանակ, երբ «Միթրա-Հելիոսը» իր կառքով շրջայց էր կատարում երկնակամարով... նոյն ժամանակ ատլանտը պահում էր երկնակամարը, ինչպէս դա անում էր, համաձայն Հեսիոդէսի, յունական տիտաններից մէկը՝ Ատլանտը: Յամենայն դէպս, նա Միթրայի ուղեկիցներից մէկն է, ինչպէս եւ ծերունի Զրուանը, որի արձանը գտնուած են Միթրային նուիրուած գրեթէ բոլոր տաճարներում¹⁶:

Ք. ա. Գ. դ. վերջին Աւգուստինոսը, պախարակելով միթրայիցը եւ նրան առնչուող մանքէթութիւնը, ծաղրի է ենթարկում «բեռնակիր Ատլանտին» (*Atlantum laturarium...*), որը «աշխարհի բոլոր տանում է իր ուսերի վրայ եւ այն, ծունկը ծալած, պահում է երկու ձեռքերով» (*maximum Atlantum mundum ferentem humeris et cum geno flexo brachiis utrimque secus fulcientem*)¹⁷:

Այս տիտանը միթրայական ունեւորներում, ինչպէս Միթրայի կեանքին նուիրուած դրուագներում, այնպէս եւ նրա պաշտամունքի տեսարաններում, սովորաբար պատկերուած է ներքեւում՝ ձախ կողմում, եւ նրա պատկերները երկուսն են հիմնական սիւմէն (Միթրան դաշոյնով խոցում է ցլին): Երբեմն Ատլանտը պատկերուած է արեւելեան հանդերձանքով, միթրայական սրածայր գլխարկով, իջած մի ծնկի վրայ եւ երկու պարզած ձեռքերով զնդի նմանուող կլոր առարկայ բռնած¹⁸: Սակայն երբեմն այս նոյն կերպարը պատկերուած է նոյն տեղում՝ միաժամանակ երկու տեսարաններում. ներքեւում՝ ձախ կողմից. մերկ կիսանդրիով ֆիզիկորը գիմահայեաց է, վեր պարզած ձեռքերով, ինչ-որ բան բռնած, իսկ նրանից վերեւ՝ երկրորդ տեսարանում, մեկնուած կանացի կերպար է (ըստ Կիւմոնի՝ Երկիրը) եւ նրա կողքին պատկերուած է մարդանման մէկը, որն

14 К. В. Тревер, *Отражение дуалистической концепции зороастризма на памятниках искусства*, - Труды Отдела Востока Гос. Эрмитажа, т. I, Ленинград, 1939; К. В. Тревер, *Очерки по истории культуры древней Армении*, с. 65.
15 Augustinus, *Contra faustum*, XV.5; Fr. Cumont, *Op. cit.*, т. 2, с. 90.
16 Fr. Cumont, *Op. cit.*, vol. II, Tab. V; F. Saxl, *Op. cit.*, Tab. 14.

14 Fr. Cumont, *Textes et monuments relatives au culte de Mithra*, v. 1, Bruxelles, 1896-1899, p. 90; F. Saxl, *Mithras*, Berlin, 1931; К. В. Тревер, *Очерки по истории культуры древней Армении*, с. 64.
15 Fr. Cumont, *Op. cit.*, т. 2, с. 90, 301; К. В. Тревер, *Очерки по истории культуры древней Армении*, с. 64.

իջել է ծնկի եւ վեր բարձրացրած ձեռքերում բռնել է մի մեծ գունդ¹⁹:

Կարելի է կարծել, որ նրանց հեռաւոր նախատիպը Վանի թագաւորութեան Արեւի աստուածութիւն Շիւինին է (աղ. V, նկ. 2), որը, ինչպէս յայտնի է ուրարտական դարաշրջանի պատկերազրույթներից, իր գլխավերեւում պահում էր կիսով չափ ծագած արեւի սկաւառակը: Շիւինիի այս աւանդական պատկերազրույթեան ուշ անտիկ կամ միջնադարեան արձագանք է Երուանդաշատի մերձակայքից յայտնի մի կոթողի վրայ պատկերուած անտրոպոմորֆ էակը (աղ. V, նկ. 3), որն իր գլխավերեւում պահել է երկու գնդաձեւ մարմին: Այս շարքը վաղ միջնադարում շարունակուած է քառակող կոթողներից մէկի վրայ արուած Անահիտ աստուածուհու պատկերը (աղ. V, նկ. 4), որը խորհրդանշում էր մահուան եւ վերածննդի գաղափարը²⁰: Ի տարբերութիւն Գառնիի տաճարի, Լուսաւորչի մանրանկարի վրայ ատլանտները, տեղադրուած են երկրորդ յարկերում, բայց կրկին եզրային մասում՝ առաջ մղուած դէպի պիլոնների ճակատները: Անտրոպոմորֆ քանդակի նման տեղադրութիւնը շէնքի արտաքին պատին՝ երկրորդ յարկի մակարդակին, առայժմ յայտնի չէ հին Հայաստանի արուեստում: Մանրանկարում ատլանտների չափերը շատ աւելի մեծ են, քան դասական դորիական օրդերի բարձրադիր մետոպները: Այնուամենայնիւ, պէտք է նկատի ունենալ, որ պաշտամունքային շինութեան ներսում երկրորդ յարկի մակարդակին յատուկ խորշերում տեղադրուած մարդաչափ արձաններ են դրուած

եղել պարթեւների արքայական տան նախնիների պաշտամունքին նուիրուած կենտրոնի՝ Հին Նիսայի «քառակուսի» եւ «կլոր» դահլիճներում (աղ. V, նկ. 5)²¹:

Թէ ինչ էր գտնուած տաճարի ամենաբարձր մասում՝ կենտրոնում, կարելի է միայն ենթադրել, քանի որ Գրիգոր Լուսաւորչին իր մարմնով ծածկուած է ետեւում գտնուող տանիքի կենտրոնական մասը: Յամենայն դէպս, Ուրարտուի գլխաւոր ծիսական կենտրոնում գտնուող Մուսասիրի տաճարի նմանութեամբ, որի գագաթը պսակում է Նալդիի՝ Միհրի ուրարտական նախատիպերից մէկի խորհրդանշիչը (աղ. VI, նկ. 1) եւ Գառնիի տաճարի, որի գագաթին բնորոշ բուսական տերեւազարդ է (աղ. VI, նկ. 2), միջնադարեան մանրանկարից տեսանելի տաճարի գագաթը պէտք է պսակէր այս արեւային աստուածութեան խորհրդանշաններից որեւէ մէկը, օրինակ՝ արեւի թեւաւոր սկաւառակը: Շէնքի տանիքն ինքնին Հայաստանում ունեցել է յատուկ նշանակութիւն, մասնաւորապէս՝ չորս ընդգծուած անկիւններով աշտարակաձեւ կառույցների գագաթին՝ կենտրոնում, իրականացուել են ծէսեր, պէտք է կարծել, յար եւ նման Պարսից նաւասարդեան ծէսերին²²:

Մանրանկարում պատկերուած շէնքի արտաքին կողմից տարբեր մակարդակների վրայ որմնասիւններով շրջապատուած խորշերը կրկնում են պարթեւական դարաշրջանի Աշշուր քաղաքի պալատական այուանները, Աշշուր աստուածութեան (աղ. VI, նկ. 3 եւ 4) եւ պերիպտեր կոչուած յունա-միջագետքեան ոճի տաճարների խորշերը: Ուշապարթեւական շրջանի Աշշու-

19 Fr. Cumont, vol. II, Tab. VI; F. Saxl, *op. cit.*, Tab. 15; К. В. Тревер, *Очерки по истории культуры древней Армении*, с. 64-65, табл. 59-61.
20 Գործնականում անլի ընդարձակ շարք կազմող այս տիպի պատկերների էությունը ներկայացուած է մեր ուսումնասիրութիւններից մէկում. տե՛ս Հայկ Յակոբեան, «Թուխ մանուկներ»-ի պատկերազրույթը..., էջ 52-67:

21 Г. А. Кошеленко, *Родина парфян*, М., 1977, с. 62, рис. 23.
22 Е. А. Дорошенко, *Зороастрийцы в Иране* (историко-этнографический очерк), М., 1982, с. 70.

րի պալատի այսուաններից²³ մէկի արտաքին երեսին կենտրոնական դիրք է գրաւում ընդարձակ կամարակապ մուտքը (աղ. VI, նկ. 5): Այսուանի կողային մակերեսները վերից վար տրոհուած են երեք բաժինների. ստորինը զբաղեցնում են յիշեալ մուտքին հարեւանող ցածր դռները՝ եզերուած որմնասիւններով: Յաջորդ երկու յարկերը կրկնում են ստորինի պատկերը, այն տարբերութեամբ, որ դռների փոխարէն առկայ են խուլ խորշեր: Յարկերի բաժանարար են ծառայում գօտիները՝ զարդարուած ձեւաձոյ պատկերներով, ուր գերիշխում են երկրաչափական եւ խիստ ոճաւորուած բուսական մոտիւնները. նման երեւոյթի զարգացումը կարելի է տեսնել Կտեսիֆոնի սասանեան պալատում (Թաի-Կիւրա)²⁴: Մանրանկարի վրայ՝ ներքին բակի հեռաւոր մասում, երեւում է երկու կոյտ: Գուցէ սրանց միջոցով քողարկուած է ինչ-որ հեթանոսական սրբազան մանրամասն. թէեւ բացառուած չէ, որ սա Մենուզիայի շատ մանրանկարներում պատկերուած գոյգ լեռների կամ նրանց խիստ փոքրացուած մանրակերտի պատկերն է, ինչպէս տեսանք վերը: Յամենայն դէպս, եթէ այստեղ կանգնեցուած չէին քանդակներ կամ կուռքեր, ապա, ելնելով տարածաշրջանին բնորոշ զուգահեռներից, կարելի է ենթադրել, որ գոյգ հողակոյտերի տեղում՝ տաճարի գլխաւոր մուտքի առաջ, կանգնեցուած էին երկու խոշոր պիլոններ:

Լուսաւորչի թիկունքում պատկերուած շէնքը սերտ ընդհանրութիւններ ունի Հին Արեւելքի եւ անտիկ աշխարհի մի շարք կառոյցների հետ:

23 Երեք պատերով, ճակատային կողմից սպորաբար կամարով պատկուած եւ լրիւ բաց մի խորունկ ու ընդարձակ շինութիւն, կոչոււմ է նաեւ լիւան:

24 Г. А. Кошеленко, *Культура Парфии*, М., 1966, с. 139-140, примечание 119, рис. на с. 138.

Դեռեւս հին քաղաքակրթութիւնների ձեւաւորման նախաշեմին Արեւելքում արդէն տեսանելի էր բնակելի եւ պաշտամունքային համալիրների կազմակերպումը բակի երեք կողմերում: Թեւ սա Սաւուանում՝ Սամարայի հնագիտական մշակոյթին պատկանող այս բնակավայրի III շերտում (Ք. ա. 5350 թ.) կայ ակնարկ բակի երեք կողմերում շինութիւնների դասաւորման մասին²⁵: Սակայն բակը չըջապատող շէնքերը նախապէս դեռ չեն ծրագրուած որպէս մի ընդհանուր համալիրի ներսում ֆունկցիոնալ առումով որոշակի բաժանուած մասեր: Ք. ա. V հազարամեակի բնակելի տունը Հասսունայից (աղ. VII, նկ. 1) աւելի է ընդգծում այս գաղափարը: IV հազարամեակի կէսերին Թեպիէ Գաւրայում (աղ. VII, նկ. 2) ձեւաւորուած է տաճարական մի յորինուածք, որն անփոփոխ է մնում մինչեւ ուրուկեան շրջանի՝ IV հազարամեակի վերջերը: Տաճարն ունէր ուղղանկիւն սրբարան, դէպի ուր կարելի էր ներթափանցել բաց սիւնաշար բակից. սրա երկու կողմից առաջ էին գալիս կողային սենեակների լայնակի պատերի ճակատները²⁶:

Ք. ա. 3500 թ. յաջորդած ժամանակաշրջանին վերաբերող Էրիդուի VII շերտի տաճարը (աղ. VII, նկ. 3 եւ 4) զարդարուած էր անկիւնային աշտարակներով: Ընդ որում՝ շէնքը զարգացած էր գլխաւոր մուտքից դէպի աջ եւ ձախ, այսինքն՝ լայնակի առանցքով: Միջինբրոնզեդարեան Նորշուն-Թեպիէում (աղ. VII, նկ. 5)՝ Հայկական լեռնաշխարհի հարաւում, արդէն նկատելի է զանազան համալիրների բաշխումը բակի երեք կողմերում: Կարաինդաշ

25 Сетон Ллойд. *Археология Месопотамии*, М., 1984, рис. на с. 83.

26 М. Е. L. Mallowan, *Cambridge Ancient History*, vol. 1, pt. 1. Cambridge, 1970; Ch.8: The Development of Cities from Al Ubaid to the end of Uruk V: section 2 – Assyria, p. 382, note 2; Сетон Ллойд, *Աշ. աշխ.*, էջ 86.

արքայի Ք. ա. ԺԵ. դ. վերաբերող տաճարում՝ Ուրուկ քաղաքում, աշտարակաձեւ շինութեան գլխաւոր երեսն իր հերթին ունի երկու կողմից առաջացած թեւեր²⁷:

Քննուող մանրանկարում երեւացող կառոյցին աւելի են մօտենում բիտ-հիլանի (աղ. VII, նկ. 6 եւ 7) կոչուած խեթա-միտանիական տեսակի դասական շէնքերը, որոնք ճակատային կողմից կարող էին ունենալ սիմետրիկ զարգացում՝ պիլոնների, աշտարակաձեւ կառոյցների կամ սենեակների տեսքով: Սակայն մէկ կամ երկու յարկ ունեցող այս շէնքերի առաջնամասի կենտրոնական հատուածը, դատելով վերականգնումներից, առնուած էր ընդհանուր ծածկի տակ, իսկ ճակատից՝ հանդիսաւոր աստիճանների վերին հարթութեան վրայ, երկու-երեք սիւններով ընդգծուած նախասենեակն էր²⁸:

Մեր դէպքում բիւզանդական մանրանկարի հեղինակից չի կարելի պահանջել իրականի ճշգրիտ ու մանրամասն պատճենահանում. օրինակ՝ ներքին բակի առաջ կարող էին լինել աստիճաններ, շէնքն էլ կարող էր կառուցուած լինել բարձր հարթակի վրայ²⁹, անգամ չըջապատուած լինել պերիստիլ բակով:

Հնագիտական նիւթի ռետրոսպեկտիւ (յետադարձ) դիտարկումը, շարունակում ենք՝ անդրադառնալով Վանի թագաւորութեան տուեալներին: Այս դարաշրջանից յայտնի են շէնքերի կամ նրանց առանձին տարրերի մասին դրաւոր յիշատակութիւններ, ընդ որում՝ մօտ մէկ տասնեակի են հասնում յատուկ տերմինները, որոնցով

27 Памятники миривого искусства, т. I, М., 1968, рис. 18.

28 *Архитектура древнего мира*, - Всеобщая история архитектуры: в 12 томах, т. 1, под ред. О. Х. Халпахчьяна, Е. Д. Квитницкой, В. В. Павлова, А. М. Прибытковой, М., 1970, с. 244, рис. 30.

29 R. Ghirshman, *Terrasses sacrées de Bard-a Nechadeh et Masjid-i Soleiman*, - MDAI, N 45, Paris, 1976.

կոչուած են սրանք: Մասնաւորապէս՝ աղբիւրներում յիշատակուած են. 1) ուղղանկիւն՝ լայնակի զարգացումով շէնքեր, 2) Susi, որն ըստ երեւոյթին, ուղղանկիւն՝ երկայնակի զարգացած շէնք էր ու, հաւանաբար, նոյնական էր É.BÁR.TUR (փոքր տաճար) հասկացութեան տակ միաւորուած շէնքերին, 3) É.BÁR., հաւանաբար, չորս անկիւնային աշտարակներով շէնք էր, 4) Iarani-ն, թերեւս լեռնային տաճար էր՝ ընդարձակ սպասարկող անձնակազմով հանդերձ, 5) KÁ, ^{GIS}KÁ, KÁ^{MES}, šeštili տերմինների տակ ենթադրուած է դարպաս կամ համալիր՝ մի քանի տաճարով եւ օժանդակ շէնքերով հանդերձ, 6) pulusi-ն նշանակում էր կոթող՝ ստելա, 7) ašī|use-ն՝ սիւնազարդ դահլիճի տեսք ունեցող տաճար. Արգիշտիխիւնիւնում ašī|use-ի տակ կառուցուած էր հացահատիկի շտեմարան³⁰: Յայտնի էին նաեւ այլ կառոյցներ, ինչպէս širihani/sirišim (որը գուցէ եւ զոհաբերութեան համար նախատեսուած կենդանիների ժամանակաւոր հանգրուան-սենեակ էր)³¹, adunisinu: Վանի թագաւորութեան ամենացայտուն կառոյցները ցուցաբերում են զարգացման երեք միտում՝ լայնակի, երկայնակի եւ ուղղանկիւն աշտարակաձեւ: Երկայնակի զարգացումով մի շարք օրինակների կողքին իւրայատուկ տեղ է գրաւում Կարմիր բլուրի շէնքերից մէկը (նկ. 011), որն ընդունուած է կոչել մեգարոնատիպ կառոյց³²:

Սրանցից առաջինն էլ, լայնակի զարգացող շէնքը, որոշակի կապ ունի քննարկուող մանրանկարի հետ: Այս տեսակի ամենայայտնի շինութիւնը Էրեբունի միջնաբերդում պեղուած եւ պեղուող ինքիի

30 Ս. Հմայեակեան, *Վանի թագաւորութեան պետական կրօնը*, Երեւան, 1990, էջ 141-142:

31 *Հայկական ճարտարապետութեան պատմութիւն*, հտ. 1, Երեւան, 1996, էջ 177:

32 Նոյն տեղում, էջ 131-132, Ակ. 32, Աերքեւոմ՝ ձախից:

տաճարն է (աղ. VIII, նկ. 1): Մինչեւ այժմ չի պարզուած նրա նախնական յօրինուածքը: Ըստ Դ. Սթրոնախի՝ բացառուած չէ, որ սկզբում կառուցուած է եղել միայն աշտարակաձեւ շէնքը³³: Վերականգնումը, որն ընդունուած էր մինչեւ վերջերս (այն է՝ վեց զոյգ սիւներով եւ բաց ճակատով գլխաւոր շինութիւն, նրանից ներս կրկին նման լայնակի զարգացած եւ սիւնասրահին զուգահեռ կառուցուած մի երկարուկ սրահ, սրանցից ձախ՝ քառանկիւն միջանցք եւ նրան ու սիւնասրահին կից աշտարակ), այժմ մեծ կասկածի տակ է առնուած: Ենթադրուած է, որ սկզբնապէս արդէն ուրարտական շրջանում, շէնքն ունէր հինգ կամ վեց շարք վեցական սիւների վրայ յանգչող տանիքով սրահ, որ նախորդել է յետագայում Աքեմենեան Պարսկաստանում առաջացած ապագանաներին³⁴: Բոլոր դէպքերում ուշագրաւ է, որ եթէ տաճարի սրահի նկատմամբ աջ եւ ձախ աշտարակաւոր թեւերը տեսականում զարգանային սիմետրիկօրէն, ապա մեր առաջ կը յայտնուէր բիւզանդական մանրանկարին բաւական մօտ մի ճարտարապետական յօրինուածք: Գրիգոր Լուսա-

ւորչի թիկունքում պատկերուած կառոյցը թոյլ է տալիս ենթադրել, որ անտիկ դարաշրջանում կամ անգամ աւելի վաղ Հայաստանում որոշ շէնքեր ճակատային կողմից կարող էին ունենալ նաեւ սիմետրիկ զարգացում՝ պիլոնների, աշտարակաձեւ կառոյցների կամ սենեակների տեսքով՝ այս վերջին դէպքում նմանուելով բիտ-հիւլանի խեթա-միտանիական տեսակի դասական շէնքերին: Մեր ձեռագիր նմուշի խիստ պարզեցուած տիպը յիշեցնում է էրեբունու արտաքին տաճարը՝ գլխաւոր դարպասներից դուրս (աղ. VIII, նկ. 2), միայն թէ նրա երկայնական «անտ»-երի թեւերը կարծես թերզարգացած են: Սրա արձագանքը տեսնում ենք Մցխեթի Հարեւանութեամբ՝ Բագինեթում, շատ աւելի ուշ՝ Բ. ա. Բ.-Ա. դդ. (աղ. VIII, նկ. 3), թէեւ այս էլեմենտն արդէն հաստատուն տեղ ունէր յունա-հռոմէական աշխարհի մեզարոնանման յօրինուածք ունեցող բազմաթիւ տաճարներում:

Աքեմենեան դարաշրջանի ճարտարապետութեան մէջ առաւել նկատելի է Համալիրների բազմազանութիւնը, որը պէտք է լինէր նախորդ դարաշրջանի ստեղծագործական զարգացման արդիւնք: Մեր խնդրի համար առաւել հետաքրքիր է Պերսեպոլիսի (աղ. VIII, նկ. 4) պալատական-տաճարական կենտրոնը: Մասնաւորապէս՝ զբաւում է երկրորդ շէնքը՝ ապագանան, որն առնուազն երեք կողմից (յամենայն դէպս՝ արեւելքից) ներկայացնում է թեւերում մէկական կառոյց ունեցող եւ լայնակի զարգացած ճակատով յօրինուածք: Այս շէնքից արեւելք գտնուող «Հարիւրսիւնանոց» սրահը եւս ունի լայնակի ճակատ եւ երկու կողմից միմեանց սիմետրիկ կառուցապատուած թեւեր:

Առանձնակի հետաքրքրութիւն է ներկայացնում Աքեմենեան դարաշրջանի Բաբելոնի մոնումենտալ կառոյցներից մէկը (աղ. VIII, նկ. 5): Լայնակի զարգացած այս

33 Սրա մասին անուանի գիտնականը հաղորդել է մեր անձնական գրոյցի ժամանակ:

34 Այս կարծիքին են Լրեբունու պեղումներ կատարող ամերիկեան եւ ֆրանսիական արշաւախմբերի ղեկավարները, նոյն կարծիքին է նաեւ Կ. Ղաֆադարեանը (տե՛ս Կորին Ղաֆադարեան, Լրեբունու միջնաբերդի բազմասիւն դահլիճի թուագրման հարցի շուրջ, «Յուշարձան», տարեգիրք 2, ԵՊՀ գիտաժողովի նիւթերի ժողովածոյ՝ նուիրուած Բ. Պիտրովսկու ծննդեան 100 եւ Հո. Ջանիոյադեանի ծննդեան 90-ամեակին, Երեւան, 2010, էջ 121-129): Առաջին անգամ նման կարծիք յայտնել է հնագէտ Ի. Լուսեան (տե՛ս Ի. Մ. Լոսեան, Новые археологические исследования отряда ГМИИ им. А. С. Пушкина на холме Арин Берд.- Советская археология, 1958, N 2, с. 183. տե՛ս նաեւ Հայկ Յակոբեան, Հին Հայաստանի սինագարդ դահլիճները,- Խալդեան գորութեամբ. յօդուածների ժողովածոյ՝ նուիրուած Բորիս Պիտրովսկու 100-ամեակին, Երեւան, 2010, էջ 160-189):

շէնքի գլխաւոր ճակատը նայում է հիւսիս-լայն աստիճաններից վեր՝ բարձր հարթակի վրայ, բուն շինութիւնն է, որի եզրին դրուած երկու սիւններից ներս կառուցուած է լայն ու նեղ նախասրահը՝ աջ ու ձախ խորացած կողային բաժանմունքներով: Նախասենեակից ներս երկու պիլոններով զարդարուած գլխաւոր մուտքն է, որի երեք բացուածքները տանում են ութ սիւներով կենտրոնական սրահը եւ նրան երկու կողմից հարեւանող փոքր սենեակները³⁵: Մեր նպատակը երեք կողմից բազմաբնակից բոլոր հնարաւոր յօրինուածքների ակնարկը չէ, առաւել եւս՝ Մերձաւոր Արեւելքից դուրս գտնուածներինը: Բացառիկ դէպքերում, այնուամենայնիւ, սրանք տեղին է ամրագրել: Օրինակ՝ նման պատկեր ենք տեսնում Աթենքի միջնաբերդում՝ ակրոպոլիսում, մուտքից քիչ հեռու՝ բարձունքի հարաւարեւմտեան եզրին. սա Բրաուերանիա-Արտեմիսի եռամաս տաճարն է, որը կարող էր եւ աղերսներ ունենալ մերձաւորարեւելեան նմանատիպ օրինակների հետ: Այստեղ սիւնաշար երկար ճակատով գլխաւոր սրահին երկու կողմից կցակառուցուած է փոխուղղահայեաց եւ ճակատի հարթութեան համեմատ զգալի առաջացած մէկական սենեակ:

Եթէ մանրանկարից երեւացող տաճարական շէնքը հարցադրում է մի խնդիր, թէ ինչպիսին էր հին հայկական տաճարների մի տեսակի արտաքինը, ապա միւս խնդիրը վերաբերում է նման շէնքերի բարձրութեանը, այլ կերպ ասած՝ յարկերի քանակին: Աքեմենեան դարաշրջանի Հայաստանի տաճարական շէնքերի ուշագրաւ մի տեսակ էլ հնարաւոր է դառնում վերականգնել Ենոքաւանից՝ (աղ. VIII, նկ. 6) տաճարական մի շէնքի պեղումներից գտնուած երկարկանի տաճարի մանրանկարի շնորհիւ. երկթեք տանիքով բազիլիկ տիպի

շէնքը, դատելով մոդելից, շրջապատուած էր կլոր յատակագծով բարձր ցանկապատով կազմելով սրբազան տարածք՝ տեմենոս³⁶: Ընդ որում՝ այս եւ ստորեւ յիշատակելի հնավայրերում երկարկանի տաճարների գոյութեան փաստը համահունչ է քննուող մանրանկարի շէնքին:

Վաղ հելլենիստական շրջանում տարածաշրջանին բնորոշ էր ներքին բակի ֆունկցիոնալ մասերի բաշխման բազմազանութիւն: Սրա մասին ուշագրաւ փաստեր կան Կուրի աջափնեակում՝ պատմական Հայաստանի տարածքում, պեղուած Յիսիա-գորա համալիրում (աղ. VIII, նկ. 7): Բերուած օրինակում ներքին բակում կանգնեցուած պիլոնի եւ գլխաւոր դիրք գրաւող քառակուսի սրբարանի երկու թեւերում ոչ թէ առաջ եկած շինութիւններ ենք տեսնում, այլ, ընդհակառակը, ներս ընկած բացօթեայ հատուածներ: Սակայն աւելի հետաքրքիր է այս յուշարձանի արեւելեան թեւը, ուր հարաւային գլխաւոր շէնքը (№ 6) երեք կողմից՝ կողքերից եւ դիմացից, սիմետրիկօրէն շրջապատուած է կառոյցներով (№№ 3-5, 7-9). սրանցից մէկը (№ 4)՝ բացօթեայ կամ ծածկուած կառոյցը, գլխաւորի համար ծառայում էր որպէս իւրապատուկ նախասրահ³⁷:

Հելլենիստական ժամանակաշրջանի Մերձաւոր Արեւելքում գնալով աւելանում է տաճարական շէնքերի յօրինուածքների բազմազանութիւնը՝ ներկայացնելով տարբերակներ՝ մասամբ նման բիւզանդական

35 Roman Ghirshman, Iran. Protoiranier, Meder, Achäemeniden, München, 1964, s. 224, ab. 274.

36 С. А. Есаян, Астхилбурский могильник,- Вестник Общественных наук, 1968, N 6, с. 96; С. А. Есаян, Культура племен северо-восточной Армении (III-I тыс. до н.э.), Ереван, 1976, с. 43, рис. 29.

37 Г. Г. Цукитшвили, Результаты работ на Цихиа-гора (1971-1974 гг.),- Краткие сообщения института археологии (КСИА), М., 1977, N 151, с. 87-93, рис. 1; Древнейшие государства Кавказа и Средней Азии,- Археология СССР, т. 8, М., 1985, с. 82, табл. XL.B на с. 154.

մանրանկարում ներկայացուած շէնքին: Սրա օրինակներին մէկը Ք. ա. Ք. դ. Պեր-գամոնում կառուցուած Զեւսի նշանաւոր զոհասեղանն է (աղ. VIII, նկ. 8): Այստեղ շէնքի երկու առաջ քաշուած թեւերը եւ հիմնական մասնաշէնքը դրսից եւ ներսից շրջապատուած են սիւնաշարերով, իսկ արտաքին բակը զբաղեցնում է լայն աստիճանաշարը, որը տանում է դէպի կենտրոնական մուտքը:

Նոյն դարաշրջանում Ք. ա. Ք.-Ա. դդ. Արեւելեան Վրաստանում «Թագուհու դաշտում», կառուցուած Անահիտի տաճարի հարաւային շէնքը (աղ. IX, նկ. 1) քննուող մանրանկարի շէնքից տարբերում է նրանով, որ բակի փոխարէն տեսնում ենք չորս սիւներով ծածկի տակ առնուած ընդարձակ նախասենեակ: Ընդ որում՝ այս սենեակը երկու կողմից շրջապատած սրահները հարաւից ունեն խուլ պատեր, ինչպէս մանրանկարի վրայ: Դիտարկման է արժանի նաեւ Անահիտի նոյն տաճարական համալիրի արեւելեան շէնքը, մասնաւորապէս՝ նրա արեւելեան ճակատը, որը զգալի ընդհանրութիւններ ունի Գրիգոր Լուսաւորչի թիկունքում պատկերուած շէնքի յօրինուածքի հետ³⁸:

Նոյն մերձաւորարեւելեան տարածաշրջանում պաշտամունքային եւ աշխարհիկ ճարտարապետութիւնը բաւական արագ էր զարգանում նաեւ անտիկ դարաշրջանի Միջագետքում: Ք. ա. Ք. դ. սկզբին պատկանող Ուրուկի տաճարներից մէկը՝ նուիրուած Անուին եւ Անտումին (աղ. IX, նկ. 2), ունի տիպիկ միջագետքեան յօրինուածք՝ արտաքին դռան հետ մի առանցքի վրայ կանգնած զոհասեղան

38 Ю. М. Гагошидзе, Раскопки храма II в. до н. э. Дедоплис Миндори (восточная Грузия), - Краткие сообщения института археологии (КСИА), М., 1977, N 151, с. 102-108, рис. 1; Древнейшие государства Кавказа и Средней Азии, т. 8, с. 82, табл. XL.A на с. 154.

եւ աստուածութեանը նուիրուած արձան՝ որմնախորշի մէջ՝ նուիրատուութեան սեղանի առաջ: Տաճարի մուտքը բացում է հիւսիս-արեւելքից, ինչը կրկին բնորոշ գիծ է Միջագետքի համար: Շէնքի ճակատային այս մասում, չնայած երկայնակի զարգացմանը, երկու կողմերից կառուցուած են կողային շինութիւններ³⁹:

Անտիկ դարաշրջանի Աշշուրում առանձնանում է երկու շէնք: Առաջինը Աշշուր աստծոյ տաճարն է (աղ. VI, նկ. 3 եւ 4 ձախից): Երկրորդին այս շէնքն ունի հանդիսաւոր աստիճաններով զարդարուած կենտրոնական այուան, որը բաց է մի կողմից՝ այսպիսով փոխարինելով բակին, եւ ունի երկու կողային աւելի ցածր կամարներով այուաններ: Կրկին գլխաւոր շէնքը՝ այուանը, գտնուում է գլխաւոր դարպասների դիմաց:

Աշշուրի միւս տաճարը, այսպէս կոչուած, «պերիպտերն» է (աղ. VI, նկ. 4 աջից)՝ կանգնած յիշեալ շէնքի նկատմամբ ուղիղ անկեան տակ: Նրա այուանից դէպի ներս կառուցուած են տիպիկ մեգարոն յիշեցնող նախասրահը եւ բուն նաոսը: Այս եռամաս առանցքը երկու կողմից շրջապատուած է մէկական սրահով: Արտաքուստ երկու շէնքերն էլ զարդարուած են որմնասիւներով, ինչով շատ նման են մանրանկարի շէնքին⁴⁰:

Բացառուած չէ, որ մանրանկարում ներկայացուած շինութիւնն ունէր սիւնա-

39 A. Falkenstein, Topographie von Uruk. Uruk zur Seleukidenzeit, Leipzig, 1941, s. 2, 30; M. Rostovtzeff, Seleucid Babylonia: Bullae and Seals of Clay with Greek Inscriptions, - Yale Classical Studies, vol. III, New Haven, 1932, p. 7; Г. А. Кошеленко, Культура Парфии, М., 1966, с. 146-147, рис. на с. 147.

40 W. Andrae, H. Lenzen, Die Partherstadt Assur, Leipzig, 1933, s. 764-67, 73-74; С. Hopkins, The Parthian Temple, - Berytus, vol. VII, p. 3-4; Г. А. Кошеленко, Культура Парфии, с. 166-168, рис. на с. 166 и 167.

շար ճակատ, ինչպէս Դուրա-Եւրոպոսի ուշսելեւեան ժամանակաշրջանի միջնաբերդի պալատի ներքին բակը, կամ էլ յիշեալ պերիպտերը (հարթակի խորունկ մուտք՝ զարդարուած սեան կրկնակի բարձրութիւնն ունեցող դարպասով), կամ գուցէ նրա առջեւում գտնուում էր պրոպիլէյը: Աւելին՝ գուցէ պատկերուած շէնքը մի մեծ համալիրի գլխաւոր բաժանմունքն էր, ինչպէս Դուրա-Եւրոպոսի յիշեալ պալատում⁴¹: Այս շինութեան պահպանուած մասում կենտրոնական դիրքը յատկացուած է սիւնազարդ (պերիպտիլ) բակին, որը երեք կողմից շրջապատուած էր սենեակներով: Բակի կենտրոնում գտնուում էր քառակուսի ջրաւազանը: Այս արդէն ծանօթ յօրինուածքին կից կառուցուած էին երեք խոշոր այուաններ, որոնք բացուում էին դէպի հիւսիս:

Այս նոյն ժամանակ Աշշուրի պալատը կազմում էին գլխաւոր բակի շուրջ չորս կողմից խմբուած մէկական համալիրները, որոնց ճակատները զբաղում էին մէկական այուաններ (աղ. VI, նկ. 5):

Քննուող համալիրներից առաւել ուշ կառուցուած Հատրայի պարթեւական վասալների պալատական-տաճարական համալիրում (աղ. IX, նկ. 3) բակը ծածկուած էր եւ վերածուած այուանի: Նոյն բնակավայրի կենտրոնում գտնուող տաճարական համալիրի գլխաւոր շինութիւնը (աղ. X, նկ. 6) էլ աւելի է յիշեցնում Լուսաւորչի թիկունքում պատկերուած տաճարական շէնքի յօրինուածքը (պեղավայր 2, տաճար 1): Լայնակի զարգացած գլխաւոր սրահի առաջ՝ աջ եւ ձախ թեւերից կանգնեցուած կառույցները ստեղծում են բակ կամ այուան. ձախակողմեան շէնքը ճակատային կողմից եւ բակից խուլ պատերով մի սենեակ է, որն ուղիղ անկեան տակ հա-

41 Г. А. Кошеленко, Культура Парфии, с. 136, рис. на с.137.

ղորդակցում էր գլխաւոր սրահին, իսկ աջակողմեանը սրահից մեկուսացուած է եւ մուտքով ուղղուած է դէպի տաճարի ընդարձակ բակը⁴²:

Երկու առաջացած թեւերով ու լայնակի ճակատով, սրանց առաջ տարածուած ընդարձակ բակով համալիրները ընդունուած էին նաեւ արեւմուտքում: Ամենայայտնի օրինակներից մէկը ներկայացուած է Պոմպէյում՝ Լուկրեցիոս Ֆրոնտոնի տան մի որմնանկարի վրայ (Ք. յ. մօտ 30 թ.): Այստեղ պատկերուած է ընդարձակ հռոմէական կալուածքից մի տեսարան⁴³:

Քննարկուող տաճարի մանրամասների եւ ընդհանուր յօրինուածքի հարցում կարելի է ներգրաւել նաեւ Արմաւիրի հնագիտական տուեալները (աղ. X, նկ. 1 եւ 2)՝ նրա միջնաբերդի հարաւային ստորոտին կանգնեցուած մեծ ժայռերից մէկը. սրա վերին մակերեսին ինչ-որ մանրակերտ է, հաւանաբար՝ Արմաւիր քաղաքի միջնաբերդը, որի վրայ պատկերուած են զոյգ աստիճաններ եւ զանազան պարսպապատ շէնքեր⁴⁴: Այս օրինակը կարող է վկայել, որ քննարկուող տաճարը կամ, աւելի ճիշտ, նրա մի տեսանկի մասը արտաքինից շրջապատուած էր լինելու պարսպով⁴⁵:

42 Г. А. Кошеленко, Культура Парфии, с. 170-175, рис. на с.171, 173.

43 Ann Powell, The Origins of Western Art, London, 1973, p. 184, Pl. 177. կայսերական շրջանի Հոմոմոս բակը երեք կողմից շրջապատող շէնքի բազմաթիւ օրինակներ են յայտնի տիպային վիլլաներից, ինչպէս նաեւ՝ այնպիսի մոնումենտալ համալիրներից, ինչպիսիք, օրինակ, Հադրիանոսի վիլլան է Հոմոմոս՝ Տիտլիում: Սակայն այս հոմոմոսական օրինակները եւ՝ ներքին բաժանմունքներով, եւ՝ գործառնողով հետո են Մերձատր Արեւելքի տաճարներից:

44 К. В. Тревер, Очерки по истории культуры древней Армении (II в. до н. э. - I в. н. э.), с. 115, рис. 22, табл. 68.

45 Հետաքրքիր է, որ վաղ միջնադարի հայկական միսաւս բազիլիկ եկեղեցիներում (մկ. 049) լայնակի զարգացման գնահատի պահպանած կա-

Ուշագրաւ է հին Արմաւիրի գագաթին՝ բարձր հարթակի վրայ, գտնուող տաճարական շինութիւնը: Նրա հիւսիսային կողմից՝ կից աւելի ցածր հրապարակում, «փառուակու» կոչուած շէնքում⁴⁶, պեղուած են երկու մոնումենտալ պիլոններ⁴⁷: Սրանք նման են Տիգրիսեան Սելեւկիայի պարթեւական դարաշրջանին վերաբերող երկրորդ տաճարի ճակատային մասում վեր խոյացող զոյգ պիլոններին⁴⁸: Դրանք

էլ աւելի համահունչ են Դուրա-Եւրոպոսի՝ Բ. ա. Ա. դարի կէսերին վերականգնուած Արտեմիսի տաճարին⁴⁹: Պերիստիլ բակում գտնուող ուղղանկիւն տաճարի մուտքի առաջ կանգնեցուած է երկու հսկայ պիլոն:

Այժմ կարելի է փորձել ներկայացնել մանրանկարում բերուած շինութեան հնարաւոր տարբերակը: Հարկաւոր է նկատի ունենալ, որ մանրանկարում պատկերուած է շէնքի միայն մի մասը. թէ ինչ յորինուածք է ունեցել այն հակառակ կողմից եւ թէ ինչ այլ կառոյցներով է շրջապատուած եղել, մնում է միայն ենթադրել:

Լուսաւորչի թիկունքում պատկերուած մեհեանը յոյժ կարեւոր վիպութիւն է հին Հայաստանի տաճարական տիպերից մէկի վերաբերեալ, որն անընդհատ շղթայով ձգուած է դէպի անտիկ աշխարհի, աքեմենեան եւ ուրարտական տաճարական-պալատական շէնքերը, պաշտամունքային շինութիւնները, խեթա-սիրիական բիթ-հիլանի կառոյցը, Միջագետքի հնագոյն տաճարները՝ միջնորդուած ձեւով յիշեալ մշակութային արգասիքները եւ դրանց իրացմանն ուղղուած շինարարական աւանդոյթները փոխանցելով յաջորդ դարաշրջաններին, միաժամանակ հարազատ մնալով տեղական հիմքերին:

Ինչպէս յայտնի է, աշխարհիկ ու պաշտամունքային ճարտարապետութիւններն աշխարհի բոլոր երկրներում միշտ էլ փոխազդեցութեան մէջ են գտնուել, իսկ այս երկուսի հիմքը եղել է հէնց ժողովրդական բնակարանը: Ելնելով սրանից՝ հարկ ենք համարում անդրադառնալ եւս մէկ հետաքրքիր զուգահեռի, որը, լինելով աշխարհիկ շինութեան օրինակ, լաւագոյնս

Tigris, Ann Arbor, 1939, p. 5, ref. 2; Г. А. Кошленко, *Культура Парфии*, с. 162, рѣс. на с. 161.
 49 F. E. Brown, *Discoveries in the Temple of Artemis Nanaia. The Excavations at Dura-Europos. Preliminary Report of 6th Season of Work*, New haven, 1936, p. 411.

ոոյցները կցակառուցուած են գերազանցապէս հարաւային՝ արեւմտայեաց կողմից:

46 Թէ որքանով է ընդունելի այս բացօթեայ կառոյցին նման պայմանական անուն տալը եւ որքանով է այն համապատասխանում Միջագետքից յայտնի փառուակու տիպի շէնքին, մի առանձին խնդիր է, որը դուրս է այս յօդուածի շրջանակներից:

47 Գ. Տիրացեան, Ի. Կարապետեան, *Արմաւիրի պեղումները (1991-1992 թթ.)*. - Հայաստանի Հանրապետութիւնում 1991-1992 թթ. դաշտային հնագիտական աշխատանքների արդիւնքների անուրում գիտական նստաշրջան, գեկուցումների թեզիներ, Երեւան, 1994, էջ 29-30: Մոնումենտալ պիլոն (տաճարական աշտարակ) էր գտնուում Էջմիածին քաղաքից 4 կմ հարաւ՝ վաղ բրոնզի դարին վերաբերող Մոխրաբլուր հնավայրի կենտրոնական հրապարակում: Բ. ա. III հազ. առաջին քառորդին վերաբերող այս տուֆի տափակ սալերից կառուցուած ուղղանկիւն յատակագծով աշտարակի վրայ կանգնեցուած էր մոնոլիտ խոշոր զոհասեղան (3,9մ երկարութեամբ եւ 0,7-1մ լայնութեամբ): Կառոյցը գոյատեւել է երեք շինարարական փուլերում: Նրա զագաթը աստիճանաբար բարձրացում էր վեր՝ հրապարակի մակերեսի վրայ անոթաձեւ աւելացնելու գոլընթաց: Մօտ 6-10 մ բարձրութեամբ աշտարակը սկզբում ուներ 5,4 մ երկարութիւն, 4,5 մ բարձրութիւն, ապա՝ երկու վերականուցումներից յետոյ, արդէն ստացաւ 7,4 մ երկարութիւն եւ 5,5 մ լայնութիւն: Տե՛ս Գ. Ե. Арешян, К. К. Кафадарян, *Рождение монументальной архитектуры на территории Армении (первая половина III тысячелетия до н.э.)*. - Памятники культуры. Новые открытия 1974 г., Ежегодник, М., 1975, с. 397-403; *Հայկական ճարտարապետութեան պատմութիւն*, հտ. 1, էջ 66, աղիւսակ 4դ՝ էջ 37-ում:

48 R. H. McDowell, *The Excavations at Seleucia on the Tigris*, - Papers of the Michigan Academy of Science, Arts and Letters xviii, Ann Arbor, 1933, p. 108; W. Van Ingen, *Figurines from Seleucia on the*

ներկայացնում է ուշհռոմէական դարաշրջանի եւ վաղբիւզանդական շրջանի ճարտարապետական տենդենցներից մէկի բնորոշ յօրինուածքը՝ տեղ գտած քննուող մանրանկարում: Խօսքը Դուրա-Եւրոպոսի Բ. յ. Գ. դ. առաջին կէսին վերաբերող բնակելի տներից մէկի մասին է: Մեր մանրանկարի կառոյցի նման, այն եւս ունի ներքին բակ, դիմային եւ կողային սենեակներ (աղ. X, նկ. 3)⁵⁰: Համալիրն արտաքին պատով առանձնացուած էր փողոցից: Երկու սիւների վրայ յենուած կամարների տակով կարելի էր մտնել ներքին բակ: Հիւսիսային թեւում գտնուում էին մկրտարանը եւ աստիճանավանդակը: Հարաւային թեւում ժողովների սենեակն էր, իսկ դիմացով՝ արեւմուտքից, մի այլ սենեակ: Նշուած սենեակները բակից քիչ բարձր էին, եւ դրանց հանդիսաւոր մուտքերի առաջ կար մի քանի աստիճան:

Ինչպէս Դուրա-Եւրոպոսի նշուած շէնքը, այնպէս էլ հնագոյն տիպի բիթ-հիլանին իւրապատուկ դրսեւորում են ստանում հայկական աւանդական բնակարանի մէջ, որը մանրամասն ուսումնասիրուած է ազգագրական նիւթի հիման վրայ: Հայկական ժողովրդական տունը հազարամեակների ընթացքում ստացել է ընդհանուր յօրինուածքից ճիւղաւորուող երկու զարգացում: Մերձաւոր Արեւելքում որոշիչ կարող էին լինել կլիմայական պայմանները, որոնց ազդեցութեամբ մի դէպքում կառուցուած էր ծածկի տակ առնուած նախասրահ, իսկ միւսում՝ նրա փոխարէն շինուած բակ: Հայաստանում զարգացում են ընդունում տարել է դէպի բաց բակով եւ նրա շուրջ խմբուած կառոյցներով յօրինուածքին՝ բնորոշ բարեխառն կլիմայով

50 Բրիտանական այս շէնքը գտնուում էր Դուրա-Եւրոպոսի հարաւարեւմտեան եզրին՝ Zeus Kyrios-ի տաճարի հարեւանութեամբ. *Ancient Civilizations*, edited by Hugh Bowden, New York, 2002, p. 117:

վայրերին, իսկ միւսի կորիզը փակ գլխատնով կենտրոնական դահլիճն էր՝ բնորոշ աւելի խիստ կլիմայական պայմաններում գտնուող նահանգներին:

Մասնաւորապէս՝ մի քանի աստիճանով դէպի լայնակի զարգացած շէնքի պատշգամբ ելնելով՝ կարելի է ձախից եւ աջից տեսնել մէկական կողային սենեակ, իսկ դիմացից՝ աջից դէպի ձախ միմեանց յաջորդող երեք սենեակ. այսպիսին էին տները, օրինակ, Սիւնիքում ընդհուպ մինչեւ Ի. դարի 60-ական թթ.⁵¹:

Ինչ վերաբերում է բիւզանդական մանրանկարի վրայ պատկերուած շէնքին, ապա նրա ամենամօտ ազգագրական զուգահեռը հանդիպում է Բարձր Հայքի, մասնաւորապէս՝ Էրզրումի մերձակայքի Հայկական ժողովրդական տներում: Նրանք սովորաբար բաղկացած են հինգ հիմնական մասից. կենտրոնում բակն է կամ շուքը (1), բակից դէպի ձախ՝ թոնրատունը (3) եւ մառանը (4), իսկ նրանցից ներս՝ տունն է կամ, աւելի ճիշտ, կանացի բաժանմունքը (2): Նոյն բակից աջ գտնւ է եւ նրա մի մասում՝ բարձր յատակով ու միջնորմով կամ վարագոյրով անջատուած տղամարդկանց սենեակը՝ օդան (5): Ձախ եւ աջ բաժանմունքների ետեւում եւ բակի դիմաց մի շարքով շարուած են ամբարները եւ ուրիշ սենեակներ⁵²: Ընդ որում՝ դժուար չէ նկատել, որ հայկական տունը որոշակի ընդհանրութիւններ ունի յունական աւանդական տան՝ մեզարոնի եւ յատկապէս՝ հռոմէական տան՝ ատրիումի հետ:

Վերջին տասնամեակներին ի յայտ եկած Հողմիկի անտիկ տաճարական համալիրը (աղ. X, նկ. 4 եւ 5) հարուստ է տարբեր յօրինուածք ունեցող տաճարներ

51 Ն. Պապուխեան, Սիւնիքի ժողովրդական ճարտարապետութիւնը, Երեւան, 1972, էջ 86-87:
 52 Խ. Սամուէլեան, Հիմ Հայաստանի կուլտուրան, հտ. II, Երեւան, 1941, էջ 203:

րով: Սրանցից մեր քննարկման առարկային բաւական մօտ է 4-րդ տաճարական շինութիւնը: Հարաւային կողմից՝ լայնակի զարգացած այս շէնքի կենտրոնական մասը տրամադրուած է ներքին բակին, որը երկու կողմերից՝ աջից ու ձախից, սահմանափակուած է զանգուածեղ ու լաւ մշակուած կանոնաւոր քարերով կառուցուած մէկական պատով: Բակում՝ աջից պատի առաջ, դրուած է քարերով պատրաստուած քառակուսի կրակարանը, իսկ ձախից հսկայ քարերով շարուած լայն հարթակներ են՝ արդէն զոհաբերուած կենդանիների մասերը դնելու համար: Նոյն ներքին բակի ճակատին՝ քարէ յատակով ծածկուած շինութեան արտաքին պատի օրթոստատների (կողի վրայ դրուած քարերի) մէջ, փորուած են անցքեր՝ զոհաբերուող կենդանիներին նախապէս կապելու համար: Այս բակը եւ նրանից ներս՝ դէպի հիւսիս, գտնուող յիշեալ օրթոստատներով սահմանափակուած սրահը երկու կողմից առնուած են շէնքերի մէջ. աջից կառուցուած են միջանցք եւ աղօթասրահ, իսկ ձախից՝ մի այլ ուղղանկիւն սենեակ: Սրահի շուրջ խմբուած այս շէնքը արեւելեան ճակատից՝ դէպի միւս ընդարձակ բակին նայող տաճարական համալիրի գլխաւոր շէնքերի կողմից, եւս երկու թեւերից առնուած է ընդհանուր ճակատից դէպի դուրս մղուած կառույցների մէջ⁵³:

Մանրանկարի վրայ պատկերուած շէնքի նոյնացման համար էական կարող են լինել վերը նկարագրուած դեկորի մանրամասները, այդ թւում նաեւ՝ ատլանտների պատկերները: Աշշուրում պարթեւական

դարաշրջանում սիւների խոյակները տեսքով յոնիական են, սակայն խիստ պարզունակ: Միջագետքում շէնքի ճակատին տեսնում ենք նաեւ վերադիր սիւներ, որոնք պատի հարթութիւնը բաժանում են հատուածների⁵⁴: Հատրայում բազմայարկ շէնքի ճակատին դրուած որմնասիւններն ամբողջական վեր են ելնում ներքեւից մինչեւ շէնքի վերնամասը՝ հատելով յարկաբաժինների քիւերը: Սակայն Աշշուրում իւրաքանչիւր յարկին վերադրուած սեան վերեւում կանգնեցուած է մի ուրիշ սիւն, ինչպէս Լուսաւորչի մանրանկարի վրայ: Հատրայում շէնքերը յագեցած են հելլենիստական մոտիւններով: Առկայ են կորնթոսեան խոյակներ, ականթներ՝ որմնասիւնների վրայ: Լուսաւորչի թիկունքում պատկերուած տաճարը իր ճակատով բաւական նման է Աշշուրի շէնքերին, սակայն Հատրայի շինութեանը մերձենում է երկու յարկերում ունեցած խուլ լուսամուտներով եւ յունահռոմէական ազդեցութեան տակ ներկայացուած ֆրիզների առատութեամբ: Ընդ որում՝ ինչպէս Հատրայում, արեւմտեան ազդեցութիւնը մանրանկարում պատկերուած տաճարի վրայ երեւում է միայն դեկորի մէջ: Հատրայի պալատներում անտիկ էլեմենտների ներթափանցումը չի շօշափում յօրինուածքային սկզբունքները⁵⁵: Հաւանաբար սրա պատճառն այն էր, որ տեղական պաշտամունքային առանձնատկութիւնները պահանջելու էին շէնքի համապատասխան յօրինուածք: Տիգրիսեան Սելեւկիայում վերադիր յոնիական սիւներն իրար են միացուած խուլ կամարներով, մինչդեռ Լուսաւորչի թիկունքում պատկերուած տաճարում առկայ է միայն արխիտրաւային լուծում, իսկ այստեղ երեւացող խուլ կամարակապ կեղծ

54 Г. А. Кошеленко. *Культура Парфии*, с. 162, рис. на с. 139-140.
55 Նոյն տեղում, էջ 162, 177-րդ էջի նկարը:

53 H. P. Hakobyan, *Archaeological Excavations of Ancient Monuments in Armenia 1985-1990*, - Ancient Civilizations vol. 1, 2, Leiden: E. J. Brill, 1994, p. 169-195; Hayk Hakobyan, *Le complexe culturel antique de Hoghmik -IIe- IIIesiècles après J.-C.*, - Dans les montagnes d'Arménie.- Musée archéologique de Saint- Raphaël - Musée départemental des Antiquités - Rouen, 2007, p.121-123.

լուսամուտները ֆունկցիոնալ դեր չեն կատարում:

Ինքնին հետաքրքիր են քննարկուած այն շէնքերը, որոնք ունէին լայնակի զարգացում եւ գլխաւոր սրահի երկու կողմերից կցակառուցուած էին սենեակներով կամ աշտարակներով: Հին Արեւելքին, մասնաւորապէս՝ Միջագետքին եւ ուրարտական ու անտիկ դարաշրջանների Հայաստանին բնորոշ էին կոմպլեքսային տաճարները՝ նուիրուած երկու կամ աւելի աստուածութիւններին⁵⁶: Ամենայն հաւանականութեամբ, հէնց նշուած եռամաս շէնքերը կարող էին լինել այն տաճարների շարքում, որոնք նուիրուած էին մի քանի աստուածութեան: Հայաստանի հնագոյն տաճարական կենտրոններից մէկում Աշ-

տիշատում, օրինակ, գրաւոր աղբիւրները յիշատակում են Անահիտին, Վահագնին եւ Աստղիկին նուիրուած տաճարներ⁵⁷: Գուցէ սրանք առանձին կանգնած շէնքեր էին: Սակայն հետաքրքիր է, որ Աստղիկի տաճարը Աշտիշատում Ագաթանգեղոսը կոչել է «Սենեակ Վահագնի»: Հայերէնում «սենեակը» ունի մի քանի նշանակութիւն, մասնաւորապէս՝ բնակարան, դանձարան, ինչպէս նաեւ՝ հարսնացու: Այս առումով, շատ հաւանական է, որ Վահագնի տաճարի ներսում բաժանմունք-սենեակներից մէկը յատուկ նուիրուած էր Աստղիկին: Միջագետքի անտիկ տաճարները դիտարկելիս Գ. Ա. Կոչելնիկոն նկատել է, որ տաճարական շէնքերում, որոնք նախասենեակից ներս ունէին կողք կողքի լայնակի շարուած երեք սենեակներ, կենտրոնական շարուած երեք սենեակներ, կենտրոնական սենեակը պատկանում էր տաճարի գլխաւոր աստուածութեանը, եւ այստեղ էր դրուած նրա պաշտամունքային պատկերը: Իրենց հերթին՝ եզրային սենեակները կրում էին *σύνναοι θεοί* պատկերները⁵⁸: Հին յունարէնում *σύν-ναος* նշանակում է ունենալ ընդհանուր տաճար, պաշտուել նոյն տաճարում, իսկ *συν-ναίω* նշանակում է ուղեկցել, կողակցել, ապրել միասին⁵⁹: Հայերէն «սենեակ»-ը Ագաթանգեղոսի

56 Բագրարտու աստուածուհին երկրպագում էր Մուսասիրում (այժմ աւելի ընդունուած է արտասանել Մուծածիր - Հ. Յ.)՝ Խալդիի տաճարում, եւ սրա մասին եւ վկայում ասորեստանեան սեպագրերը. 1) Սարգոն Բ.-ն վկայում է հետեւեալը. «Իմ վստահելի մարդկանց՝ իմ հրամանատարներին, եւ ուղարկեցի Խալդիի՝ Արա [Ռուսա Բ.-ի - Հ. Յ.] աստուղ տաճարը, եւ Բագմաշտուին՝ Արա աստուածուհուն, ի թիւս Արա տաճարի ամէն կարգի բազմաթիւ հարստութեան... երկու գոհասեղանի, աստուածութեան՝ հանդերձանքի 14 զանազան տիպի գոհարների, Խալդիի եւ Արա կողմ՝ Բագմաշտուի թանկարժէք իրերի», վերցրիւաւոր (տե՛ս И. М. Дьяконов. *Ассиро-вавилонские источники по истории Урарту* (=АВИИУ), - Вестник древней истории, 1951, №2, § 49, фрагмент № 367, с. 332 եւ դիտող. 98, հմմտ. Вестник древней истории, 1951, №3, § 51, с. 208). 2) Միւս հատուածներում Արա Սարգոնը նշում է. «Մուսասիրում (տե՛ս И. М. Дьяконов. *Ассиро-вавилонские источники по истории Урарту* (=АВИИУ), - Вестник древней истории, 1951, №2, § 49, фрагмент № 415, с. 333). 3) «...Ուրգանային՝ Մուսասիրի արքային, իր ընտանիքով հանդերձ ?], Խալդի աստուծու եւ իր ընտանիքով հանդերձ ?] Բագմաշտուին եւ միացրի աստուծու...» (տե՛ս АВИИУ.- Вестник древней истории, 1951, №3, § 52, с. 208): Սրա մասին տե՛ս Ասէ Բ. Հմայեակեան, *Ուրարտական Իւարշայ աստուածութեան մասին*, - Աշխատութիւններ Հայաստանի պատմութեան պատկան թանգարանի, հտ. VII, Երեւան, 1981, էջ 20:

57 «...Ութերորդ պաշտօն հոշակաւոր, անուանեալն Վիշապաբաղն Վահագնի, յաշտից տեղիք թագաւորացն Հայոց Մեծաց, ի սննարս լերիցն Քարքեայ, ի վերայ գետոյն Եփրատայ, որ հանդէպ հայի մեծի լերիցն Տարոսի, որ եւ անուանեալ ըստ յաճախաշատ պաշտաման տեղեացն՝ Յաշտիշատ: Չի յայժմամ դեռ եւս շէն կային երեք բազիզք ի մտա. առաջին՝ մեհեանն Վահեաբեան, երկրորդ՝ Ոսկեմօր Ոսկեմօն դից, եւ բազիզն իսկ յայս անուն անուանեալ Ոսկեմօր դից. եւ երրորդ՝ մեհեանն անուանեալ Աստղկան դից, Սեմեակ Վահագնի կարդացեալ, որ է ըստ յունականի Ափրոդիտէս». տե՛ս Ագաթանգեղեայ *Պատմութիւն Հայոց*, Տիգրիս, 1909, հատուած 809:
58 Г. А. Кошеленко, *Культура Парфии*, с. 162, рис. на с. 173.
59 *Древнегреческо-русский словарь*, М., 1958, т. II, с. 1574.

Աղիւսակ 1



I, Գլ. 1




I, Գլ. 2


Աղիւսակ 2




II, Գլ. 1



II, Գլ. 2




II, Գլ. 3



II, Գլ. 4



II, Գլ. 5



II, Գլ. 6

Աղիւսակ 3



III, Գլ. 1



III, Գլ. 2



III, Գլ. 3



III, Գլ. 4



III, գլ. 5



IV, գլ. 3




III, գլ. 6



IV, գլ. 4


Աղիւսակ 4



IV, գլ. 1



IV, գլ. 5



IV, գլ. 2



IV, գլ. 6

Աղիւսակ 5



V, գլ. 1




V, գլ. 2



V, գլ. 3




Աղիւսակ 6




VI, գլ. 1

V, գլ. 4


23 «Круглый храм» в Старой Нисе, II—III вв. до н. э. Реконструкция




V, գլ. 5




VI, գլ. 2



VI, գլ. 3





VI, գլ. 4




VI, գլ. 5


Աղիւսակ 7




VII, գլ. 1




VII, գլ. 2




VII, գլ. 3



VII, գլ. 4





VII, գլ. 5




Աղիւսակ 8



VIII, գլ. 1





VII, գլ. 6




VII, գլ. 7


VIII, գլ. 2




VIII.3




VIII, գլ. 4




VIII, գլ. 5



VIII, գլ. 7




VIII, գլ. 8




VIII, գլ. 6


Աղիւսակ 9



IX, գլ. 1




IX, գլ. 2



IX, գլ. 3


Աղիւսակ 10



X, գլ. 1




X, գլ. 2




X, գլ. 3


The Christian building at Dura Europos (above). This is the only surviving example of a building used for Christian ritual activity before the fourth century AD. It was probably constructed in AD 232, and destroyed when the town was sacked in AD 256. From the outside the building would have looked no different from the houses around it, and the room most clearly used for Christian ritual, the baptistery, would not have been visible to those passing in the street. The baptistery contained a font, looking like a large bath, at its western end, and was decorated with scenes from the Hebrew Bible and the Gospels. The large room on the south side of the building had no decorations at all, but its size, and the raised platform at the east end, suggest that it was used for meetings, and perhaps for celebrations of the eucharist. Elsewhere in the Roman Empire, fourth-century churches were built over the remains of substantial houses, and this suggests that before Christianity received the support of the emperors, houses, in particular those of rich patrons, were the usual meeting places for Christian congregations.



X, գլ. 4



X, գլ. 5



X, գլ. 6